

湖南府縣志輯

中國地方志集成

康熙永陽縣志
光緒永陽縣志

K296.4
10
22

中國地方志集成

湖南府縣志輯 ③③

康熙末陽縣志

光緒末陽縣志

江蘇古籍出版社●上海書店●巴蜀書社

耒陽縣志序



帝王撫有天下仰觀俯
察遠稽近取凡可以昭
德遠害興行全用者雖
山陬海澨飲血茹毛之

地無不周覽畢集以備
徵考況在方域之內聲
教暨訖而不爲之備載
其何以昭文獻而垂經
制哉故夫山川雲物郊

社廟堂大而禮樂刑政
細而昆蟲草木里歌巷
謠曲節細行雖彈丸叢
爾亦必有可觀者職斯
土而久居其地使前乎

無傳後乎無考可乎是
志之亟宜修葺也我
皇上御極之二十九年詔詞
臣修一統志漸次告成
懋著一道同風之盛已

丑夏張令自

內廷出宰耒陽久已心焉志
之及下車案多塵牘民
多風通市鮮環堵野矜
僇悍益兵燹之餘積陋

成習戛戛然其難治也

余奉

聖天子簡書屏籓三湘日與
羣吏講求道一風同之
治留心方物嘗考耒爲

漢縣其間山川蛇壚人

文彬郁唐宋以來班班
可數自明季而後體制
無存文行衰息豈盡民
之過歟抑亦司土者之

未盡心耳張令用是戚
然靡寧求盡其職遂以
邑志爲己任然事類旣
繁蒐輯匪易訪耆舊採
紀載案牘之暇極力讐

校釐正體式昭義例以
明去取揭原委以詳本
末舉凡土田之荒闢疆
域之險夷戶口之繁寡
風俗之貞淫以及灾祥

之何以弭致緩急之何
以調劑分氏族之甲乙
別人物之否臧或革或
因或損或益昔詳今略
昔略今詳務期一日之

肇劃周密令千百年之
風土民物燦然畢現是
則張令之心也歟若夫
睠茲巖疆期登衽席固
興當事之涵濡實望司

土之黽勉俾已然者率
由無愆當然者區處有
法將見教化日興風俗
日厚神無淫祀民無忒
行山澤效靈休祥游至

仰贊一道同風之化以
無忝厥職是所望於張
令也是則予之所叅末
議也張令勉旃


康熙五十五年春三月

護理偏沅巡撫印務湖廣

湖南等處承宣布政使

司布政使加三級阿琳

誤



朱陽縣志序

郡國之有志其源始於禹
貢具載山川田賦物產周
禮小史掌邦國之志見於
職方氏者甚脩迨司馬氏

作天官禮樂諸書班氏又
作八志其文加詳焉今志
家體例皆倣此所以紀聲
教脩典故其不可廢也明
矣我

國家幅幘最廣早

命儒臣脩一統志而各省郡

邑咸輯志書蓋一統志摭
大綱職其要由是而省而
鄙而邑惟邑志為最宜詳

良以邑人言邑事利病易
悉見聞易真所謂紀聲教
脩典故者莫切於此乃數
十年來多曰仍其舊而新
脩者殊尠豈非一行作吏

心力殫於簿書錢穀而視
此為不急之務歟予奉

簡命撫楚南來陽張令首以

其所輯新志請正來陽接
壤粵獠賦役煩重自張令



留心民瘼廢者待興隊者
待舉以其餘力從事邑乘
掇拾殘闕蒐採放佚凡例
森然各有論斷於邑之盛
衰得失之故三致意焉可

謂知所務矣夫邑乘之患
遑遑前失之略而後失之
詳略者每苦於無徵詳者
易至於瞻徇然而言之不
文則亦不足以信今而傳
後也今觀於茲志其體備
其事核其言簡質而不俚
於以紀聲教脩典故夫豈
易得哉雖然良醫之視病
也既洞悉其根源則當為

之治其標本張令久任斯
土其於盛衰得失之故固
已知之深念之熟由是梳
而剔之拊而噢之澆可淳
瘠可腴實於張令有厚望
焉矣
康熙六十年歲次辛丑三
月巡撫偏沅等處地方提
督軍務兼理糧餉都察院
右副都御史前

經筵講官內閣學士兼禮部

侍郎加四級王之樞書



朱陽縣志

王序六

六

序



星不敏乏宏通博雅之材寡卓犖英奇之識鹿
鹿半生漫無表著曩承
聖天子拔置

朱陽縣志

張序一

人

內廷參養七載歲戊子撤棘
後

命宰朱陽修己治人時深覆
餽今已八年於茲矣顧
風俗未變政化未行方

日求治之不暇而敢披
殘編稽軼事妄擬夫史
氏之學而孳孳於邑乘
之闕失廢寢忘餐務備
且該非惟無補於一邑

也且無以爲邑乘光星
滋愧矣雖然莫謂邑乘
之無關於政治也邑之
中仰觀俯察倏廢倏興
旌淑別慝或詳或略洩

英華挾奧變有美弗彰
者莫爲之前也有盛弗
傳者莫爲之後也志之
修輯可稍緩乎用是集
吾未之斷簡仿他邑之

成規漏則補逸則增俚
則潤謬則正自壬辰夏
至丙申春其間或以事
阻或以攝篆他出阻合
而計之實竭三載之精

神而稿脫大略得諸紳
士操末議則星一人固
知庸材陋識語悉蕩莠
無裨政治有愧

大方然一片苦心不忘

陽縣志

張序四

十二

吾未或者見諒於後之

君子云

康熙五十五年歲次丙

申春二月下澣

內廷供奉

御試第一授文林郎知湖廣



衡州府未陽縣事前護
衡州清軍總捕府署直
隸郴州桂陽州加一級
紀錄一次篠山張應星

永陽縣志

張序五

十三

題於潔己堂



序

禮是標

蓋聞志乘之載自古有之惟期後之君子能昭文獻而紀聲教以爲治平之龜鑑而已粵自夏

后氏任土作貢而山川田賦物產均登之天府厥後九丘有書列邦有史周禮職方氏所掌犁然可考暨漢代班馬諸

人亦宗其意而衍其義

擇焉而精語焉而詳皆欲令後之覽者可爲易俗移風之具則郡邑之志其所補豈淺鮮哉我

聖朝版章最廣幅幘靡旣雖遐陬僻壤無不

德洋恩溥晏然孔固且

睿藻日新嘗

命儒臣纂修輿圖垂之奕禩

各採方聞陳之柱下
先大父司寇公曾奉
簡命纂修一統志告竣屢蒙
聖祖仁皇帝
御書寵錫

覃恩褒獎至今感激泰愧不
文碌碌無所表見昨春
謹奉
簡書承乏茲未矢志飲冰歎
焉滋惕惟以上報

國恩下答民望爲兢兢乃下
車以來案多塵牘民多
凋敝極仰體
各憲嘉惠元元至意思欲
有以噢咻而樂利之奈

典型未諳規模難就於
是思搜覽舊聞庶知昔
之操刀而割者製錦若
何烹鮮若何或有所取
衷以爲吏治師執意有

先得我心者前此 張

公篠山業爲之修明而
編輯也夫耒雖僻邑然
鹿岐峙其南馬阜枕其
北峰聯衡嶽派衍湘流

上通百粵之奧交下接
九江之孔殷遠而九真
日南未必不獻琛而錯
趾近而賓叟徭獯安在
不稽顙而納款此亦南

服之要都會也其中豈

無得失利病可以化裁
而變通者乃余得是書
理煩之暇再細加校正
其間言以類從目因綱

舉寧采秋實毋擷春華
祗覺略者詳陋者雅缺
者補舛者正則一書陳
於前凡古今之得失治
亂之條貫靡不一一瞭

然於心目中矣豈非先
型之可愛者哉由是觀
賦役則知徵輸之緩急
觀學校則知教化之隆
替觀風俗則知貞淫之

美刺且多士奮於野武
備整於疆則知光賓興
而捍牧圉名賢之風著
壺德之微彰則知仰懿
行而欽節烈以至休徵

之降佛氏之斥則知格
天神而閑先聖凡所以
宜民而善俗者莫不具
焉則所以優游而圖治
者其在是歟庶從此而

漸以理焉或利可興弊
可去夙夜寅畏與上報
國恩下答民望以共享久安
長治之休也喜從士庶
之請於是乎書

雍正三年歲在乙巳小

春月上澣

文林郎知湖廣衡州府

耒陽縣事加一級紀錄

一次拙存徐德泰題於

耒陽縣志

徐序九

三二

遺清堂



重修邑志引

蓋聞國推史筆特傳萬古之勲歟縣志重書備載

一方之風土顧芳徽不昧名教藉以維持而往事

無徵後生憑何考核吾耒為炎漢名區士元故治

武侯工部憩息有年谷永羅含挺生當日乃兵燹

多而編簡失文獻闕而是非淆不急修之其何安

也今者

聖天子著百王之謨

大中丞集諸儒之撰風同道一四海蒙休激濁揚清

三湘向化我

耒陽縣志

志引一

十三

侯張公三載恩勤百廢具舉糧清而催科不擾學建

而芹藻增輝政有餘閒思修邑志自有明萬厯四

十四年重輯而後其間有訂于邑侯馬公者有訂

于邑侯朱公者厥後纂修則有學師劉君是為我

皇上御極之九年至今已四十餘載矣念前此之稷東

零落無存後此之風流沉淪莫著適逢

功令之新頒務補全省之舊志宜揚

當宁之文德武功以及蠲租赦罪廣額旌表諸大典而

吾耒數十年之軼事亦藉此而重光焉因思崇庸

獎善豈若東漢之縹緲每多纖緯考行微心亭鄺

南陵之卷帙盡屬風雲欲公月旦之評當必汝南

之野用是仰承

台命廣詢輿情孰爲清風載道曾留名伯之棠孰爲畏壘遺踪猶墮峴山之淚孰爲飲食泉而心自若績繪旂常孰爲將菽水而性彌真聲喧閭里孰爲巾幗足抗鬚眉孰爲巢由長就邱壑而賦役之繁簡裁酌翳誰風俗之淳漓滑移有自以及水旱災禔之頻仍山川風物之怪誕神樓佛國之廢興釋路山梁之創造要各抒厥所聞呈其所見毋徇名以媚世期集腋以成裘俾聞者知興閱者知勸

未陽縣志

志引二

十四

無負我

侯爾微之衷有當古人作史之意是爲引

康熙五十一年壬辰歲次初庚日

縣志舊序

衡州知府蔡汝楠

汝楠與郡雅尚郡之圖史每屬州縣圖上郡里坊巷城池宮室水泉山谷人物大略語云廣谷大川興制人生其間異俗辯同異以制政事庶有益於理亂之數無何未陽馬令宣上其籍閱之如築城改糧皆鉅公賢謝御史以諫聞於天下乃大體籍不具載令爲之又經年以所改本上庶幾備矣嗚呼愚制法而無文獻以觀地之宜是却車而求行也倘文獻而無取裁以用之於民是飾車而弗庸也飾焉而庸之以舊令之政行且貽於新令可以不改往轍而一也

未陽縣志

卷序一

一五

大治昔孔子嘆文獻之無徵謂方朔之政舉之有人且許令尹子文之忠志成自今徵之舉之又自今貽之後人吾將與令共圖之矣嘉靖三十一年歲次壬子四月二十七日